



UNIVERSITÄTS-  
BIBLIOTHEK  
PADERBORN

**Clarissimi Viri Henr. Zoesii Amersfortii, In Academia  
Lovaniensi I. V. D. Et Antecessoris Commentarius In Jus  
Canonicum Universum, Sive Ad Decretales Epistolas  
Gregorii IX. P. M.**

**Zoesius, Hendrik**

**Coloniae Agrippinae, 1691**

Titulus VII. De Translatione Episcopi.

---

[urn:nbn:de:hbz:466:1-62329](https://nbn-resolving.org/urn:nbn:de:hbz:466:1-62329)

nem. Qui ampliolem discursum desiderat, legat Bellarm. *Tomo 1. Controvers. 3. lib. 5. cap. 8. vers. Sextum exemplum.* & Baronium *Tomo 9. & 10. Annal.*

90 Centroverſa autem est quaestio. An Rom. Pontifex possit Electores isto jure privare? Resp. Glossam penult. in c. 2. *De re judic.* & Joannem Andream *ibid.* velle, hoc non esse licitum Pontifici, nisi in casum, quo eligere nolunt. Verius, posse auferre, & ad alios transferre, justa causa sit postulante, ut quia schismatici, haeretici, negligentes in eligendo, cum detrimento & scandalo Ecclesiae, populique Christiani. Nam ut ipse ad istos tranſtulit illam facultatem à Graecis ex causa, quidni & auferet? cum ejus sit destruere, cujus instituere: praecipue in privilegiis, ubi eorum est usus. Et occorrit ex *d. Clem. unica & d. cap. 34. Adde Azor. d. lib. 10. cap. 3.*

91 Porro electus in Imperatorem non continuo adsumit Imperatoris nomen, sed designati, vel electi tantum; & olim Germanorum Rex electus, postea Romanorum Rex appellati consuevit. Imperatoris nomen adsumit confirmatus à R. Pont. cui id esse juris docet jus, & habet praesens, *d. Clem. un. uti & reprobandi*, ex causa indignitatis, & stante paritate votorum ac discordia electorum, alterius electionem approbandi, ut tradit *Gloſ. d. Clem. un. V. Regis.*

## TITULUS VII.

## De Translatione Episcopi.

## SUMMARIUM.

1. Translationes cur regulariter prohibita.
2. Solus Pontifex transfert Episcopos.
3. Vinculum matrimonii spiritualis est fortius carnali.
4. Poena transeuntium propria auctoritate ad aliam Ecclesiam.
5. Translatio facienda ad majorem Ecclesiam.
6. An quis inuitus possit transferri.

92 Translationes Episcoporum de Ecclesiis in Ecclesias regulariter prohibita; cum ad transigendam ambitionis & avaritiae occa-

sionem. *can. Episc. vii. q. 1. & passim:* tum quod matrimonium spirituale inter Praelatum & Ecclesiam initum non sit dissolvendum, sive ex parte Ecclesiae, sive ex parte Praelati, etiam tantum confirmati, quia confirmatio matrimonium spirituale faciat ratum, *c. 2. hoc tit.* Causa tamen facit eas licitas, *can. Mutationes, can. Scias, can. Omnes, can. Sicut. vii. q. 1.* utilitatis scilicet aut necessitatis, accedente nihilominus auctoritate sanctae Sedis. Soli enim Rom. Pont. est auctoritas transferendi Episcopos, *d. can. Sicut in fine c. 1. & 2. hoc tit.* ubi quod dicit Innocentius. Vinculum matrimonii spiritualis esse fortius vinculo carnali, non meretur reprehensionem, quasi secum pugnaret Pont. ut quidam volunt in Sedem Apostolicam minus bene adfecti, cum optimus ille sanctissimusque omnium iudicio habitus Pont. recte praetulerit vinculum spiritualis matrimonii quasi fortius carnali, quod hoc solvatur morte; ita ut non teneatur redire ad uxorem resuscitatus, secundum Apostolum *ad Roman. 7.* & communem opinionem, de qua *inf. tit. De secundis nupt.* Praeterea per ingressum & conversionem alterius, ut dicitur *ad tit. De convers. conjugat.* Spirituale vero non tollitur per mortem, propter impressum characterem; & per translationem non alias, quam auctoritate summi Pont. cui soli, uti jam dictum, est auctoritas transferendi Episcopos. Et hoc est, quod in *d. c. 2.* solum intendit disputare Pontifex. Inferiores transferendi auctoritas est penes Episcopos. *cap. 4. inf. tit. 9. De renuntiatis.*

Episcopus propria auctoritate tranſiens ad aliam Ecclesiam, sua relicta, nec ad suam redire, cujus mediocritatem desepit, nec in aliena, quam per avaritiam & improbam ambitionem concupivit, permanere permittitur, *cap. 3. hoc tit. can. Si quis: 22. viii. q. 1.* Sacerdos aut Diaconus propria auctoritate ad aliam Ecclesiam se tranſrens, nisi monitus revertatur, puniendus excommunicatione, *can. Si quis: vero vii. q. 1.*

Translatio autem si eam faciendam suadeat utilitas, aut necessitas Ecclesiae, facienda ad majorem Ecclesiam, non etiam ad minorem, *c. 1. de Cler. non resident. vel parem, quod hoc minus deceat, & nulla sub sit utilitas, quae suadeat. c. 1. h. t.*  
Dabi-

6 Dubitatur. An invidius quis possit transferri? R. Ita videri, *can. pen. & ult. ix. q. 13.* Quod facit obedientiæ promissio, qua Rom. Pontifici se obstringunt Episcopi. Facit & textus in *c. 6. inf. De aetate & qual. presic.* ubi qui ad altiorum ordinem noluit ascendere, ita poscente Ecclesiæ utilitate, dicitur compellendus per honorum amissionem, & beneficiorum subtractionem. Goffred. in *Summa hic num. 4. & ibid. Hostien. num. 6.* Loca contraria *can. 1. & 2. Dist. 74.* accipienda sunt in casu, quo non urget Ecclesiæ necessitas, vel de laico non ordinando invito. Abbas in *c. Quasitum num. 6. inf. De ver. permutat.*

## TITULUS VIII.

## De auctoritate &amp; usu pallii.

## SUMMARIUM.

1. Pallium quid sit.
2. Qui eo utantur.
3. Est personale.
4. Archiepiscopus ante receptionem pallii quid possit.

**P**ER consecrationem matrimonium spirituale consummatur, & per eam accedit Episcopis plena exequendi muneris sui auctoritas: exceptis Archiepiscopis qui ea quæ sunt ordinis, non exsequuntur ante pallii receptionem, ita ut ne quidem nomen Archiepiscopi ante sibi vindicent. *cap. 3. hoc tit.*

**I** Describitur pallium esse ornamentum de corpore D. Petri sumptum, designans plenitudinem pastoralis officii; quod hic intelligitur *Auctoritatis* nomine. Dicitur sumptum de corpore D. Petri. *4. in fine sup. De elect.* quia super altari, sub quo requiescit corpus D. Petri, benedicitur, & deinde accipitur ab eo, qui usus. vel alio ejus nomine. *c. 4. & ibid. Gl. V. corpore sup. tit. 6. De elect.* Forma verborum, quam tradit *Glos. in c. 4. V. ad honorem hoc tit.* ponitur, supra alia ornamenta, circa humeros. Mysticus ejus sensus est; ut, cum sit de velle ovis, intelligant se ovium pastores; & quia eo circumcinguntur circa humeros, ut circum-

spiciant, ne aliqua erret; errantem humeris ad caulam reportent, cuncte Domini insignitam. Ut illud Apostolicum ante oculos habeat, *Mibi mundus crucifixus est, & ego mundo.*

Gestat illud S. Pontif. x sua auctoritate, semper & ubique in Missarum solemnibus *d. c. 4.* quippe adsumptus in plenitudinem potestatis Ecclesiasticae. Ab eo accipiunt quatuor Patriarchæ, Constantinopolitanus, [qui licet postremus Patriarchali dignitate sit insignitus, importune tamen & non sine turpi ambitione sæpius à Pontificibus repressa, primum locum in vasis] Alexandrinus, Antiochenus, Hierosolymitanus. *c. Antiqua 23. inf. De privil.* Utuntur & Archiepiscopi, qui illud accipiunt à Rom. Pontifice, aut à prædictis Patriarchis, si illis sine subditi, *d. c. 23.* Utuntur hi pallio, non semper & ubique, sed certis tantum & solemnibus diebus, de quibus *Glos. 1. d. c. 4.* atque in Ecclesiis suæ provinciæ dumtaxat non etiam extra, etiam si processionaliter procedant, nihil ad hoc faciente consuetudine, nisi speciali concessione, ut alibi utantur, indultum sit, *c. 3. hoc tit.* Ratio est, quod tantum sine vocati in partem sollicitudinis, suæ scilicet provinciæ. Episcopis ordinariè non debetur pallium: aliquibus tamen ex privilegio concessum, ut patet ex *c. pen. inf. De præscriptionib.*

Est autem personale; ut alteri commodari nequeat, *c. 2. hoc tit.* & ne quidem cum translato Archiepiscopo transeat ad usum novæ Ecclesiæ: ut enim translatus acquirit novam jurisdictionem, ita & novam impetrare debet potestatem per novum pallium *Glossa fin. in c. 4. sup. tit. De postul. Pralat.* Sepelitur etiam pallium cum ipso Archiepiscopo defuncto, *d. c. 2.*

Si quæras, An igitur ante pallii receptionem nihil liceat Archiepiscopis? R. Ea, quæ sunt ordinis, non esse illis permittenda; nec etiam omnia, quæ sunt jurisdictionis; graviora scilicet, uti est convocare Concilium, *c. Quod sicut 18. §. præterea sup. De elect.* Possunt tamen aliqua, uti committere Episcopis, ut Suffraganeum suum consecrarent, Ecclesias dedicent, alios ordinent. *c. Suffraganeus 11. sup. eod. tit. Hostien. hic §. quid sit pallium, & similia.*

TITU.